

ҚОРАҚАЛПОҒИСТОН РЕСПУБЛИКАСИ
ВАЗИРЛАР КЕНГАШИНИНГ РАЙСИ
ҚАРАҚАЛПАҚСТАН РЕСПУБЛИКАСЫ
МИНИСТРЛЕР КЕҢЕСИНИҢ БАСЛЫҒЫ

Н.Ерлеспесовга
М.Жумановга
А.Исмаиловга
А.Сейтимбетовга
Ж.Идиятуллаевга
Халқ таълими вазирлиги (Р.Реимов)га
Молия вазирлиги (М.Содиқов)га
Адлия вазирлиги
(С.Мамбетқадыров)га
Шаҳар ва туманлар ҳокимликларига

ВМнинг 2021 йил 7 декабрдаги
741-сонли қарори маълумот ва ижро учун
қабул қилинсин.

Бажарувчи: Б.Аймбетов
Назорат: А.Атажанов

№ 462


Қ.САРИЕВ
09.12.2021й.



O'ZBEKISTON RESPUBLIKASI VAZIRLAR MAHKAMASINING QARORI

20 21 yil « 7 » dekabr

№ 741

Toshkent sh.

Президент таълим муассасалари агентлиги хузуридаги Педагогик маҳорат ва халқаро баҳолаш маркази фаолиятини ташkil этиш тўғрисида

Ўзбекистон Республикаси Президентининг “Президент, ижод ва ихтисослаштирилган мактаблар фаолиятини янада такомиллаштириш бўйича қўшимча чора-тадбирлар тўғрисида” 2021 йил 19 июлдаги ПҚ–5188-сон қарори ижросини таъминлаш ҳамда Президент таълим муассасалари агентлиги тизимида раҳбар ва педагог ходимларни узлуксиз касбий ривожлантириш, миллий ва халқаро баҳолаш соҳасида олиб борилаётган ишлар самарадорлигини янада ошириш мақсадида Вазирлар Маҳкамаси қарор қилади:

1. Ўзбекистон Республикаси Президентининг “Президент, ижод ва ихтисослаштирилган мактаблар фаолиятини янада такомиллаштириш бўйича қўшимча чора-тадбирлар тўғрисида” 2021 йил 19 июлдаги ПҚ–5188-сон қарорининг 11-бандига мувофиқ Президент таълим муассасалари агентлиги (кейинги ўринларда – Агентлик) хузурида юридик шахс мақомидаги Педагогик маҳорат ва халқаро баҳолаш маркази (кейинги ўринларда – Марказ) ташкил этилганлиги маълумот учун қабул қилинсин.

2. Қуйидагилар Марказнинг асосий вазифалари ва фаолият йўналишлари этиб белгилансин:

Агентлик тизимидаги раҳбар ва педагог ходимларни узлуксиз касбий ривожлантириш, уларнинг малакасини ошириш курсларини халқаро ташкилотлар билан ҳамкорликда ташкил этиш;

халқаро ташкилотлар билан ҳамкорликда Агентлик тизимидаги таълим муассасаларидаги ўқувчиларнинг билим ва кўникмаларини баҳолаш ва сертификатлаш;

Агентлик тизимидаги таълим муассасалари битирувчиларини якуний давлат аттестациясидан ўтказиш ҳамда миллий сертификатлаш тизимини ишлаб чиқиш ва жорий этиш;

Агентлик тизимидаги таълим муассасалари ўқувчиларининг таълимдаги ютуқларини таълим дастурларига асосланган ҳолда баҳолашни илмий-методик жиҳатдан таъминлаш, такомиллаштириб бориш, таълим сифатини баҳолаш натижалари бўйича илмий асосланган хулоса ва таклифларни Агентлик, Халқ таълими вазирлиги ва бошқа манфаатдор ташкилотларга тақдим этиб бориш;



таълим ва илмий-тадқиқот соҳаларига доир инновацион лойиҳаларни амалга ошириш;

илмий фаолият, педагогик маҳорат ва баҳолаш соҳасида халқаро алоқаларни ўрнатиш, ҳамкорликдаги лойиҳаларни ишлаб чиқиш ҳамда амалга ошириш;

Агентлик тизимидаги педагог кадрларнинг малакасини оширишга қўйиладиган давлат таълим талабларини ишлаб чиқиш.

3. Белгилансинки:

Марказ давлат муассасаси ҳисобланади;

Марказнинг устав фонди миқдори Агентлик томонидан белгиланади ҳамда Президент таълим муассасалари агентлиги ҳузуридаги Иқтидорли ёшларни қўллаб-қувватлаш жамғармаси маблағлари ҳисобидан шакллантирилади;

Марказ директори Агентлик томонидан лавозимга тайинланади ва лавозимидан озод этилади.

4. Қуйидагилар Марказ фаолиятини молиялаштириш манбалари этиб белгилансин:

шартнома асосида хизматлар кўрсатишдан, шу жумладан таълим хизматларидан олинадиган даромадлар;

Президент таълим муассасалари агентлиги ҳузуридаги Иқтидорли ёшларни қўллаб-қувватлаш жамғармаси маблағлари;

юрidik ва жисмоний шахсларнинг ҳомийлик хайриялари;

халқаро молия ташкилотлари ва хорижий давлатларнинг грантлари ва техник қўмаклашиш маблағлари;

қонунчилик ҳужжатлари билан тақиқланмаган бошқа манбалар.

5. Президент таълим муассасалари агентлиги ҳузуридаги Педагогик маҳорат ва халқаро баҳолаш маркази тузилмаси иловага мувофиқ тасдиқлансин.

Агентлик директорига зарур ҳолларда, Марказ тузилмасига ходимларнинг умумий чекланган сони доирасида ўзгартиришлар киритиш ҳуқуқи берилсин.

6. Агентлик икки ой муддатда:

Марказнинг устави ишлаб чиқилишини, тасдиқланишини ва белгиланган тартибда давлат рўйхатидан ўтказилишини таъминласин;

Марказни илмий салоҳиятга эга бўлган юқори малакали раҳбар, мутахассис ва педагог ходимлар билан тўлдириш чораларини кўрсин.

7. Марказ Тошкент шаҳри, Яшнобод тумани, Махтумқули кўчасидаги Ахборот технологиялари ва коммуникацияларини ривожлантириш вазирлигига қарашли IT-парк биносида текин фойдаланиш ҳуқуқи асосида жойлаштирилсин.

8. Мазкур қарорнинг бажарилишини назорат қилиш Ўзбекистон Республикаси Бош вазирининг ижтимоий ривожлантириш масалалари бўйича ўринбосари ҳамда Президент таълим муассасалари агентлиги директори Х.Ў. Умарова зиммасига юклансин.


Ўзбекистон Республикасининг
Бош вазири



А. Арипов

Вазирлар Маҳкамасининг
2021 йил "7" декабр даги 741 -сон қарорига
илова

**Президент таълим муассасалари ҳузуридаги Педагогик маҳорат
ва халқаро баҳолаш марказининг
ТУЗИЛМАСИ**



Бошқарув ходимларининг умумий чекланган сони — 24 нафар.

Техник ва хизмат кўрсатувчи ходимлар сони давлат бошқаруви органлари учун ўрнатилган нормативлар бўйича белгиланади.

